

INFORME- PROPOSTA DE MODIFICACIÓN DA ORDENANZA NUM. 406 PREZO PUBLICO POLA PRESTACIÓN DO SERVIZO MUNICIPAL DE COMEDOR ESCOLAR NOS CENTROS PÚBLICOS DE EDUCACIÓN INFANTIL E PRIMARIA.

Visto o Decreto núm. 6176/2021, do 19 de xuño de 2025, de incoación do expediente para a modificación da ordenanza número 406 reguladora do prezo público pola prestación do servizo municipal de comedor escolar no centros públicos de educación infantil e primaria.

Visto o Informe- proposta do Servizo de Educación de data 27/08/2025 co conforme da Ilma. Sra. Iria Buíde Pena, Concelleira de Educación e Difusión do Coñecemento, de data 27/08/2025.

Visto o informe da Xefa do Servizo de Facenda Local de data 09/09/2025 co conforme da Asesoría Xurídica de data 10/09/2025.

Visto o proxecto de modificación da Ordenanza núm. 406 reguladora do prezo público pola prestación do servizo municipal de comedor escolar no centros públicos de educación infantil e primaria da Ilma. Sra. dona Ana González Abelleira, tenente de alcalde delegada da Área de Cohesión Territorial, en suplencia do Ilmo. Sr. don Pablo Permuy Villanueva, tenente de alcalde delegado da Área de Xestión Integral de Recursos Internos, Urbanismo e Deportes e Xuventude, de data 10/9/2025.

Visto o informe xurídico do Vicesecretario accidental do Concello de Lugo de data 12/09/2025.

Visto o informe da Xefa de servizo de fiscalización previa e función interventora mailo Interventor Xeral Municipal de data 15/09/2025.

Visto que a Xunta de Goberno Local, en sesión ordinaria celebrada o 17 de setembro de 2025, acordou a aprobación do proxecto de modificación da Ordenanza núm. 406 reguladora do prezo público pola prestación do servizo municipal de comedor escolar no centros públicos de educación infantil e primaria.

En razón do exposto, ao abeiro do artigo 123.1 d) da Lei 7/1985, do 2 de abril, reguladora das bases do réxime local, sométese ao Excmo. Concello Pleno a adopción dos seguintes acordos:

PRIMEIRO.- Aprobar inicialmente a modificación da ordenanza número 406 reguladora do prezo público pola prestación do servizo municipal de comedor escolar no centros públicos de educación infantil e primaria, no tocante aos seguintes preceptos que quedan redactados na forma que se indica:

ORDENANZA NUM. 406 PREZO PUBLICO POLA PRESTACIÓN DO SERVIZO MUNICIPAL DE COMEDOR ESCOLAR NOS CENTROS PÚBLICOS DE EDUCACIÓN INFANTIL E PRIMARIA.

PRIMEIRO.- MODIFÍCASE o artigo 2º da Ordenanza núm. 406, quedando o artigo 2º regulado do seguinte xeito:

“ARTIGO 2º. OBRIGADOS AO PAGO

Tendo en conta que as e os usuarios do servizo gravado por estes prezos son menores de idade e que, polo tanto, non teñen capacidade de obrar, actuarán no seu nome, cos efectos previstos na Lei xeral tributaria, as súas nais, pais e titoras e titores, ou calquera outra ou outro representante legal.

A efectos da cuantía da tarifa distínguese entre usuarios fixos do servizo de comedor escolar e usuarios esporádicos

Os usuarios e as usuarias fixos/as de comedor escolar son aquel alumno/a que formalice a matrícula en prazo, e que dispoña de praza, indicando os días da semana (serán sempre os mesmos días) que acudirá previamente, podendo ser: 1 día/sem, 2 día/sem, 3 día/sem, 4 día/sem, ou 5 día/sem.

Os usuarios e as usuarias esporádicos/as do comedor escolar son aquel/a alumno/a que non está matriculado como usuario/a fixo/a que utilice o servizo en días soltos de forma non planificada. Así mesmo, tamén son usuarios/as esporádicos/as o persoal funcionario docente e non docente, así como o persoal laboral e alumnado en prácticas de Maxisterio ou grao equivalente do centro educativo, que soliciten o servizo sempre e cando haxa prazas dispoñibles

Se se fai inscrición como fixo/a e posteriormente se detecta un uso esporádico, acumulando notificacións de ausencias continuadas, cobrarase todas as asistencias do mes como usuario esporádico.

Os usuarios e as usuarias de calendario de días (quendas no emprego das familias) deberán realizar a inscrición como fixo/a e comunicar antes do prazo establecido os días de asistencia do mes que entra. Esa asistencia deberá seguir un patrón determinado, por exemplo semana si, semana non ou día si día non, ou asistencia cada 3 días. No caso de que os días de asistencia non sigan un patrón considerarase usuario esporádico.”

SEGUNDO.- MODIFÍCASE o artigo 3º da Ordenanza núm. 406, quedando o artigo 3º regulado do seguinte xeito:

“ARTIGO 3º. COTAS

Para os efectos de establecer as cotas que terán que achegar as familias das usuarias e os usuarios do servizo municipal do comedor escolar nos centros públicos de educación infantil e primaria diferénciase entre prestación fixa e prestación esporádica por usuaria ou usuario.

O prezo do menú diario no almorzo, que cobrará a empresa por neno ou nena as familia será de 1,80€ diarios.

O prezo do menú diario no xantar, que cobrará a empresa por neno ou nena as familia será de 3,60 € diario, cando a asistencia do usuario sexa continuada, e o pago sexa mensual (usuario/a fixo/a).

O prezo das e dos usuarios que utilizarán o servizo de xantar, días discontinuos será de 4,60 € (usuario/a esporádico/a).

Os ditos prezos non inclúen o IVE, que será de aplicación conforme a normativa vixente”

TERCEIRO.- MODIFÍCASE o artigo 4º da Ordenanza núm. 406, quedando o artigo 3º regulado do seguinte xeito:

“ARTIGO 4º. PROCEDEMENTO DE PAGAMENTO

Os prezos regulados nesta ordenanza devindicaranse no momento en que se outorgue a prestación do servizo.

As familias formalizarán asistencia coa inscrición no servizo e as cotas quedarán domiciliadas.

En caso de baixa do servizo, avísarase antes do 20 do mes anterior a causar baixa. Se se avisa máis tarde dese día seguirá vixente a contratación establecida, ata o seguinte mes, aínda que non se faga uso do servizo.

En caso de non poder asistir algún día ao servizo, é obrigatorio solicitar a cancelación do servizo só por medio do sistema informático establecido e nunca telefonicamente, non máis tarde das 20:00 horas do día lectivo inmediato anterior. Se non se avisa en prazo, cobrase o servizo dese día.

O recibo mensual varía todos os meses e será o resultado de multiplicar o prezo/día do servizo seleccionado polo nº de días contratado no mes. Descontarase

os días de non utilización sempre que se avisara en prazo. Os avisos de non asistencia fóra dos prazos cobrarase como se de unha asistencia normal se tratara.

A falta de pagamento dunha mensualidade causará a suspensión temporal do beneficiario do servizo de comedor escolar, en tanto non abone a débeda pendente. Unha segunda falta de pagamento causará a baixa definitiva no servizo"

DISPOSICIÓN FINAL

A presente ordenanza entrará en vigor no día da súa publicación no Boletín Oficial da Provincia, comezará a aplicarse ese mesmo día, e permanecerá en vigor ata a súa modificación ou derogación expresa.

SEGUNDO.- Someter a exposición pública o acordo de aprobación inicial no Taboleiro de Anuncios deste Concello durante o prazo de TRINTA DÍAS HÁBILES, a fin de que os interesados poidan examinar o expediente e presentar as reclamacións ou suxestións que se estimen oportunas.

A devandita exposición pública anunciarase no Boletín Oficial da Provincia e nun dos diarios de maior difusión da provincia, comenzando a contar o prazo a partir do día seguinte ao da última das dúas publicacións referidas; entenderase como definitivo o acordo provisional de non se presentaren reclamacións a el durante o mencionado período, de conformidade co disposto no artigo 49.c) da Lei 7/1985, do 2 de abril, reguladora das bases de réxime local, modificado pola Lei 11/1999, do 21 de abril.

TERCEIRO.- Os acordos definitivos ou os provisionais elevados a definitivos e o texto íntegro das modificacións acordadas, publicaranse no Boletín Oficial da Provincia, e entrarán en vigor o día da súa publicación no Boletín Oficial da Provincia e serán vixentes mentres non se acorde a súa modificación ou derogación.

Asinado dixitalmente pola Xefa do Servizo de Facenda Local, Isabel Carbonés Bosch, co conforme da Ilma. Sra. dona Ana González Abelleira, tenente de alcalde delegada da Área de Cohesión Territorial, en suplencia do Ilmo. Sr. don Pablo Permuy Villanueva, tenente de alcalde delegado da Área de Xestión Integral de Recursos Internos, Urbanismo e Deportes e Xuventude, na data que se indica á marxe.